

रवि शाक्य, इखाउँ, यल

नेपालभाषा साहित्य

प्रथम भाग

मल्ल शाह कालया मे

संग्रहकर्ता—मानदास तुलाधर
सम्पादक—सुगतदास तुलाधर

नेपालभाषा साहित्य

प्रथम भाग

मल्ल शाह कालया मे

संग्रहकर्ता

मानदास तुलाधर

सम्पादक

सुगतदास तुलाधर

प्रकाशक

मानदास सुगतदास

काठमाडौं

प्रकाशक

मानदास सुगतदास

६०३, असन कमलाछी टोल
काठमाडौं

प्रथम संस्करण


विसं. २०१३

सर्वाधिकार सुरक्षित

मुद्रक

नेपाल प्रेस

काठमाडौं



भूमिका

थुगु मे संग्रह श्री मानदास तुलाधरजु या पुलांगु मे संग्रह याना तवगु मे मध्ये श्री सत्य मोहन जोशीजु या सल्लाह अनुसार नेपालभाषा साहित्य (मे संग्रह) या प्रथम पुस्तक रूपे मल्ल जुजुपि व शाह जुजुपिसं चिना तवगु बा इमिनु पाले चिना तवगु मे छुं पेश जुगु दु । श्री मानदासजु थुगु मे संग्रह न्हापां कौला गा ७ सोमबार १०४७ (कार्तिक १९८३ वि० सं० - October 1927 B.E.) नसे शुरू याना नेपाल या कान्तिपुर, ललितपुर, भक्तपुर, किर्तिपुर या भजन, दापा गुठि तथा क्षेत्रा पति गोज याना मुना तवगु ख । आतक या भित्रे फुक्कं याना पृथक पृथक मे च्यास (८००) पुति खाना च्वंगु दु । थुकि मध्ये न्हापा प्रकाश जुगु पुलांगु मे नामं श्री ठाकुरलाल मान्धर 'जु' सम्पादित छगु सफल च्वंगु पीप्यपु (४४) मे फुक्कै वैथ्यं वेकया संकलनं लिकया तवगु ख । हान "धर्मोदय" पत्रिका या २५०० वर्ष बुद्ध जयन्ति समारोह अंके प्यहां वगु श्री सत्यमोहनजु या "शाह जुजु पिनिगु नां व देन" नांगु लेखे च्वंगु नास्वपु (२३) मेनं वेकया संकलनं उट्ट ख । हान "थौकन्हे" पत्रिका या वर्ष ६ अंक १ स " नागर याहुने विनति" शिर्षकगु मे नं वेकया संकलनं लिकागु ख । वेकया थुगु मे या संकलन या मुख्य ध्यय इतिहास पुर्णगु नेपाल भाषा, नेपाल या संस्कृति तथा साहित्य तिन्न गति लोप जुजु वना च्वसां लिपा योपि नव युवक, साहित्यकार तथा लेखक अन्वेशक तयत ज्यायागु भूमिका मदु मजुयमा धैगु ख । वेकया दुर दक्षितां याबा थौ थुगु पुस्तक अन्वेशक तयत छगु ज्या यायगु भूमिका स्वरूप प्रकाश जुगु दु । खजा ग्रन्थनं च्वया लहेया जक कया तवगु सानं नेपाल या धुरन्धरे लेखक

तसें बेक याके कया आपास्यां स्वय धुंकल अयसां थ्व सिमित हे जक ख ।

थुगु पुस्तके मल्ल कालं नसे आतक नेपालभाषा, व थ्वया ब्याकरण, साहित्य तथा कथ व नेपाल या समाज धर्म तथा संस्कृति गुगु कथ कालान्तरे हिला वना च्वन, मल्ल कालं शाह काले गुगु नक्सां गोर्खा भाषा तथा मेगु भाषा या सब्द मिश्रण जुया वल, भिगु आयागु भाषा, उच्चारण आदि गुगु आधारे वसे याय मालि इत्यादि थ्व फुक्क अध्ययन याय वले विस्तृत मजुसां स्पस्त रूपे खने दयमा धेगु हिसाबं दकसिवे न्हापां याह्य मल्ल जुजु महिन्द्र मल्ल या रचना निसें काल क्रमानुसार आयाह्य जुजु महेन्द्र वीर विक्रम शाहतक्क यागु मे पिदंकागु दु । थुगु पुस्तके च्वंगु मे या निर्नयात्मक सम्पादन यायगु भिगु साहित्य व अनुसन्धान या आयागु अवस्थाया हिसाबं जि स्वयला आतक सुयातं बधिकार मदुनि । अथे जुया नििति “पुलांगु मे ” नांगु पुस्तके थमस्यां खंवे थुथे सम्पादकं सम्पादन याथें थमस्यां मथुगु थासे थ यथ्य सम्पादन यानागु मदु । छाय घासा मे यागु आपा संकलन जुवं बले वहे वहे मेनं आपा दोहरे जुया वगु दांजे याना स्वया बले आपाहे थुइके मफुगु सब्द तथा वाक्यांश जुया वल, थयगु अन्दाज तिरन्दाज जुया वन । अथे जुया नििति मथुगु मथुगु थासे जिक्को वहे वहे मे थाय थासं कया दाजे याना जिक्को सुघरे यानागु दु । अथेनं मथुगु थासे गथ्य च्वया तवगु दु अथेहे तथा थियागु दु । पाठक पिसं थजागु मथुया च्वंगु असुद्ध जुया च्वंगु थासे पुलांगु मे सफु दुपिसं पुलांगु सफुलि स्वया वा बुद्धा बुधि त मेहाले सपि दुसा अमिके न्यना तिपे याना उजं दयका दिलसा जि सापहे आभारि जुई । हानं यागु संस्करणे सुद्धनं याय दै ।

थुगु प्रथम संस्करणे छपाई स्यनानं प्रुफ स्वयगु हृदबंद यानानं द्वं वंगु दयफु । थुकियात पाठक पिस क्षमा याना दियमाल । प्रुफ स्वय गुलि श्री हृदय चन्द्र सिंह जुया मदत नं आपालं कयागुदु । प्रस्तुत पुस्तक

श्री सत्य मोहन जुया स्कीम अनुसार प्यहां वगुख । थ्यया लिपा हानं
 ब्रोकगीत (सिन्हाज्या मे), भजन, पुलांपि कवि ते रचना, फुतकर मे
 आँदि शिर्षकं पृथक पृथक किताव पिकायगु ग्वसाडु । थ्व फुक्क जनता या
 सहयोग व अनुमोदने आधार जुई ।

सुगतदास

पोहेलागा १०७७

लिधँसा

भाषा साहित्यया क्षेत्रे न्हूगु न्हूगु मौलिक ग्रन्थया सफूत पिकायगु गुलि आवश्यकता दु, उलिहे पुलां पुलांगु ग्रन्थया सफूत पिकायेगु नं अति आवश्यकता दु। छायाधासा, पुलांगु भाषा साहित्यया आधारे व इतिहासे न्हूगु भाषा साहित्यया ग्रन्थ थःगु पृष्ठभूमि कातुका न्हूगु प्रगति क्यनावं वनी, प्रेरणा कयावं च्वनी, संस्कृति छस्वा यानावं यनी। अकें थौं, आपालं दँ च्वे लाना हानं आपालं दँ क्वे लाये धुंकुगु नेपाल भाषा साहित्यया पुनरुत्थान यायेत भाषा साहित्य प्रेमी मानदास तुलाधरजुं आपालं थःगु अथक परिश्रम स्वरूप संग्रह याना पिकया दीगु थव पुलांगु 'नेपाल भाषा साहित्य' छगूगु सफू अतिकं ज्या लगे जूवोगु दु। थव सफुर्ति ४०० प्यसः दँ न्हापां निसें थौंतक यागु इतिहास क्रम बढ जूगु नेपाल भाषा साहित्यया रूपरेखा तथा इतिहास (पुलांगु मेया रूपे जूसां थव भीगु भाषा साहित्यया धुकू खः) छस्वा नकसां माहना क्यना बिल। थव सफुर्ति भाषा साहित्यया अन्वेषण एवं अनुसन्धानया क्षेत्रे माला च्वंगु आपालं वस्तुत क्यना 'लुखा ध्वा' चायका व्यूगु दु। नेपाल संगीतया क्षेत्रे जा थव सफूयागु विशेषता दर्कासबे अप्पो दयाच्वंगु हे जुल।

नेपालभाषा साहित्यया लागी मानदास तुलाधरजुं आपालं अनमोल ज्या याना च्वना दीगु दु, थव सकसिनं सीके मागु खँ खः। छगु उदाहरण थन न्ह्योने व्वे—“थव वंगु चतुर्थ

विश्व बौद्ध सम्मेलनया सांस्कृतिक कार्यक्रम अन्तर्गत व जनवादी चीनया प्रधान मन्त्री श्री चाउ एन लाई स्वागत समितिया सांस्कृतिक कार्यक्रम अन्तर्गत नास. खलनं प्रदर्शन यागु 'महासत्व' नाटक यात छप्पा हुम्तुं सकसिनं प्रशंसा यात । थ्व नाटक जुजु राजेन्द्र विक्रम शाहदेबं च्वया बिज्यागु खः । थ्व नाटक यागु शैली ठाँट बिलकुल प्राचीन नेपाल पना यागु । थ्वहे नाटकया छगु मात्र ल्यना च्वंगु पुलांगु सफू सफू थुवाया पाख ध्यवाया लोभे विदेशीतेगु ल्हाती लावनेत पायछि ज्वी धुकुगु जुया च्वन । थ्व खँ सीवं, तुलाधरजुं थःगु देशया साहित्य सुरक्षित याये निम्ति आपालं प्रयत्न याना सफूथुवायात धाक्को ध्यवा पुला व नाटकया सफू थःगु ल्हाती हःगु जुल । यदि उगु बखते व 'महासत्व' नाटक सफू सुं विदेशीतेगु ल्हाती लावंगु जूसा नेपाल भाषा साहित्यया धुकू कोथाय् छग तगोगु मणि तनीगु खः अथवा मेगु अर्थे भीगु देशया राष्ट्रिय संस्कृती छगु तःधंगु क्षति ज्वीगु खः ।" जितला पूर्ण विश्वास दु-गुखुन्हु मानदास तुलाधरजुं 'महासत्व' नाटक सफू प्रकाशन याना दी, अले व पुलांगु सफूति १०० सच्छिगू न्हूगु मौलिक नाटक सफू प्रकाशन यागुया ग्यसू ज्वनी । वेकनं संग्रह याना दीगु नेपालभाषा साहित्यया मेमेगु आपालं ग्रन्थत नं दु, आशादु वनं छगू छगू याना भीगु न्होने च्वों वै ।

आ छता खँ ल्यनी । थ्व ल्हाती च्वंगु सफू स्वे धुंका पाठवं प्रश्न याये फु-“छु नेपाल भाषा साहित्य ४०० प्यसः दूतक जक वनाहे दीगु ला कि ?” थन जिगु लिसः मचायक पिज्वै-थ्वहे सफूया क्रमे पिकाईगु नेपालभाषा साहित्य निगूगु

भाग, खंगूगु भाग, प्यंगूगु भाग नं दनी । मागु प्रमाण इतिहास
थव प्याहांवैगु सफुतिहे वयनो ।

भीसं भाषा साहित्य प्रेमी मानदास तुलाधरजुयात
माको प्रोत्साहन जक बीनू ।

ललितपुर

ने.सं. १०७७ सिद्धा थ्व १६

सत्यमोहन जोशी

मेया धलऽपौ

शिरषक

रचना काल वा पौ
रचयिता

१. कपटीया मायान केन्या	श्री महिन्द्र मल्ल	१
२. इश्वरी गुहेस्वरो माता	श्री सदाशिव मल्ल	१
३. बल सव सुखबले व रूप जौभन	श्री सिद्धिनरसिंह	२
४. पुनिस्या चन्द्रमा रुवाल	"	३
५. मनस धरम राम नाम	"	३
६. धननं सुजासे बल	"	४
७. हाहा दे स्वव पासा	श्री प्रताप मल्ल	५
८. पिरतिन च्वनेदु संसार	श्री निवास मल्ल	५
९. सुदामाया लिंक नारायण	"	६
१०. उपमा छुतय रुवाले लंख सोभा	"	७
११. माया देवीया काय	"	७
१२. सिंहया घुस जोना व्यानया रुवाळ	श्री पार्थिवेन्द्र मल्ल	८
१३. चित्त तसे कन्य सखी	"	८
१४. देवीमाता काछे थकुं रानी	श्री योग नरेन्द्र मल्ल	९
१५. हरि हरि माधव	"	१०
१६. छुयात थव पिरति	"	१०
१७. जि दुःख गुलित खँलहाय	"	११
१८. सोव सोव रसीकन समय वसन्त	श्री भूपालेन्द्र मल्ल	१२
१९. नारायणाजु गुँया सिस	श्री जय भाष्कर मल्ल	१२

शिर्षक

रचना काल वा पौ
रचयिता

०. एकान्दुजु छोहुने जी जमुनायापार	"	१३
२१. कालि कालक पालिका	श्री भूपतिन्द्र मल्ल	१३
२२. हादे विनति डहुने	श्री रणजित मल्ल	१४
२३. हे मखिन्दर नाथनं	"	१५
२४. श्री स्वयम्भू नाम कास्य	"	१५
२५. हरि जुय मते निरदया	श्री जगतजय मल्ल	१७
२६. जय नित्येस्वर	श्री जय प्रकाश मल्ल	१७
२७. रामया नाम क्याओ	"	१८
२८. नागर थाहुने विनति अवधान	"	१८
२९. नमो नमो नमो देवी	"	१९
३०. मते लेन दूदलु मांजु	श्री विष्णु मल्ल	२०
३१. हे करुणा सागर	श्री राजेन्द्र विक्रमशाह	२१
३२. नुयो हाय फिफिस्यन विनति	श्री राज्यप्रकाश मल्ल	२२
३३. लोकनाथ बिब जित ज्ञान	"	२३
३४. प्रभु जिन गथे कळ	श्री जोति प्रकाश मल्ल	२४
३५. मनकामदा देवी तारिणी	श्री पृथ्वीनारायणशाह	२५
३६. पिरतिया पुरुषन	श्री सिंह प्रतापशाह	२५
३७. ॐ नमो सरस्वती ॐ नमो भगवती	श्री रणबहादुरशाह	२६
३८. श्री करुणामय लोकनाथ दरसन	"	२७
३९. श्री जय बालमुकि नागराजा	श्री गीर्वाण युद्ध	२८
४०. विज्याक श्री मंजुदेव वरसन नेपाल	श्री राजेन्द्र विक्रमशाह	३०
४१. हादे जरम मरण ज्याथ	"	३०
४२. आसा जि लोकेश्वर छिपालि पलेया	"	३१

शिर्षक

रचाना काल वा पौ
रचयिता

४३. हे करुणा सागर लोकनं	"	३२
४४. थ छेस मुना वन बुंगस इषाया	"	३३
४५. थइना जय जय श्री गणनाथ	"	३४
४६. माई हे जननी चंदेश्वरी देवी	"	३५
४७. शाक्यराज आदिनं विजय श्रीभगवान	"	३६
४८. माहांमाया याहुने जगत उधार	"	३७
४९. द्वाफोल स्वानया वरण वसया रुप श्री सुरेन्द्र विक्रम	"	३८
५०. हाहा दे अंज उन कुलि तुसे च्वन	"	३८
५१. भगवान गुयाचोस रसन बिज्याक	"	३९
५२. श्री लोकनाथ याहुने उधार ननानं	"	४०
५३. विनति ऊहुने नाथ	"	४१
५४. हादे च्वापुबा उन जुसे	श्री पृथ्वीवीर विक्रम	४२
५५. हादे कुण्डवर्ण वसपोल सकलया	"	४२
५६. द्वादश वर्ष तक जल	श्री त्रिभुवनवीर विक्रम	४३
५७. श्री अन्न पूर्ण विश्वशान्ति	श्री महेन्द्रवीर विक्रम	४४



१. कपटीया मायान क्यन्य ।

राग-विभाष । ताल-प्रताल ।

कपटीया मायान केन्या हे रामा ॥ ध्रु ॥

न्हयवस जी दोन्या छिपाली मजोन्या सुखया रसतु लेन्या ।

त्तोभसतु दोन्या थिर तासे चोन्या जमया पास मखन्या ॥ १ ॥

हितनजि कन्या न्हसस मथन्या आव नुगल मछिन्या ।

अनारी मनन लिमल मखन्या मखुल लपुस दुबिन्या ॥ २ ॥

पुराण आदिन तंत्र मन्त्र जप तप दक जीन बोन्या ।

न्हिनी छिया दिन खिउजुसेवन छि नाम काथ मलान्या ॥ ३ ॥

अनेक विधीन नरया पतिन मल महिन्द्रन लहान्या ।

छुयाय दासीन छेम। जी पापीया कृष्णया दासनं लहान्या ॥ ४ ॥



२. ईश्वरी गुहेस्वरी माता ।

राग--विभाष । ताल--खजति ।

ईश्वरी गुहेस्वरी माता ॥ ध्रु ॥

करुना मिखान २ श्वओ अनाथ सिओ ईश्वरी ॥ १ ॥

चन्द्र किरन उति छि रूपया तेजया जोति ।

मोल माल भिन २ अति चन्दी भगति ईश्वरी ॥ २ ॥

याय म्मु छि भगति सदा जि वीनति ।

बियमते दुःख २ अति छि सरन गति ॥ ३ ॥
 महिक जि अति थन सहेलपा चोना मति ।
 मभिन कूदिन २ कूति लखलपि भगति ॥ ४ ॥
 जगतस मदू ओति सदा सिव जि वीनति ।
 लहाकम्हया निर २ गति कृपा याओ भूपति ॥ ५ ॥



३. वल सव सुखबले व रूप जोभन ।

राग--केदार । ताल -जति ।

वलसव सुखबले व रूप जौभन हेल २ मविल
 दैवनं २ बारं बार माधव पुरुष वचन पति मान ॥ १ ॥
 थन धर मनजस अरजन संसारस २ मनुख्या जरमया फल साल ॥ २ ॥
 रस दिसन स्दन दुरजनया वचन न्येन ।
 अवलाया छुलाईव बान ॥ ३ ॥
 न्हयाइव सुमेरु मेल समुदर वनिव हिला २
 क्षमा भाव मका यिव भून ॥ ४ ॥
 जोतीव सुनानं केल गुण ॥ ५ ॥
 करमया वचन सयाव वयाव तन मन २
 लोभ मोह कृपान तयीव तवोन अन २
 लिज्यात व धया २ लोमतो वोन ॥ ६ ॥
 सिद्धि नरसिंह स्वामि गोपी नाथया कृपा २ ।
 ग्यानी अवसर सुसूद्रनदतले ॥ ७ ॥



४. पुनिस्या चन्द्रमा ख्वाल ।

राग--मोखवा । ताल--चोक ।

पुनिस्या चन्द्रमा ख्वाल सम्पूर्ण कलान ।
कुन्दल वसुत सुकम सुल लुलानं ॥ १ ॥
नुगल सुमेर त्वापल जुम मन्यान ।
मनिमुत मालेन गतिन जोल ॥ २ ॥
अगुलि कस्तुरी चुवा अतिकन कुने ।
लुउनी देहेस वसिव सतन पुने ॥ ३ ॥
धन मन गुन जीव जौभन चतुर ।
थनी हनि हाय हरि पिरति देजाल ॥ ४ ॥
महेन वेकत वेल कत पर तित ।
सिद्धि नरसिद्धा स्वामि गोपी नाथ्या नित ॥ ५ ॥



५. मनस धरम राम नाम ।

राग--जयश्री । ताल--जति ।

मनस धरम राम नाम काव स्वव ।
वात पित सेखम ज्वलन मजौ म्हास काजि काजखं तोलताव ॥ १ ॥
मन्त्र जप तप दले ध्यानस रमन वने ।
अनेग जतने मन वन हतिहेतर थलेनो उधार तार मयेला खरील्या
मरोसान दोन ॥ २ ॥
वालषस क्षिते यथे वहलपे जौभनस तिरियाव विहाल विचार ।

भारत आदि पुराण मन्यन थन धन्दानं आसाच काल काव मतान् ॥३॥
थनि हनि कनस आयू वन सरप वन न्याव ।
सिद्धिनरसिंहा स्वामि गोपीनाथ्या सेवा छुथाय जनम जान न्याव ॥४॥



६. धननं सुजासे वल ।

राग--मेघ मल्लार । ताल--जति ।

धननं सुजासे वल खनेपर वसातोल मल जुत बारंवार स्वय सल फाव ।१।
स्याम धनी जी छम छतरीस दुकाव छपारनं मन थिस अभय बियाव ।धु।
उवारनं व्यान बाल भंगल ह्य सुखा हाल ॥ २ ॥
आहुति दक्षीन सित म्हस थस सवला दित काम्या सु चन्दाल धार पसं
जोत आव ।३।

सिद्धिनरसिंहा स्वामि गोपीनाथ्या चतुरभी ।
अनु गुन मूलनं पोने वील न्याव ॥ ४ ॥



७. हाहा दे स्वव पासा ।

राग--जयश्री । ताल--चोताल ।

हाहा दे स्वव पासा ।
वस सिने हन अति वन तथा मूलस हाहा दे सुपुरुष खडाख खेयाव
व्यवहार ॥ १ ॥
सिसेन मसिसे थमं थमं मसियाव ।

न्हाकन भो सेवलपा ॥ २ ॥

हेल वस अदिकन वन ताया मूल ।

फि पतिव उति ग्यन समतुल्य ॥ ३ ॥

परताप मल्लनं सहसूनं खलहाक ॥

कोकिल व कोख उति भति धाय छुयाय ॥ ४ ॥



८. पिरतिन च्वनेदु संसार

राग--मालवा । ताल--एकता ।

पिर तिन च्वनेदु संसारया साल ।

इष्ट देवन चित सिल जुय मते हार ॥ १ ॥

दुई वसव सरस मसिल सुनानं ।

विधाताया विरहन विलंब ननानं ॥ २ ॥

विशेषनं हरि माया मायानं मतोलतु ।

धिरज लाज मदु अविवेक भाव ॥ ३ ॥

मनुष्यया शरीरला विपतिया वास ।

सेव तेप तप मूलषिमि चाव आस ॥ ४ ॥

काल रूप काल वन कारण केडाव ॥

दरशन मदलेन मदु ताडाव ॥ ५ ॥

श्री निवास मल्लया लोकनाथ देव ॥

मखलेन मपुमने नेतुतेव ॥ ६ ॥



९. सुदामाया लिक नारायण

राग--आसावरि। ताल--तालचो ।

सुदामाया लिक नारायण ।

थिर गन संसारया जू ।

छम्हया मुलस घस पुना तल तिरि ।

छम्हया दुलि से भरोसा ॥

छम्ह बफुलाया भ्वातलन अस हल ।

छम्हया जल कसि लाया नारायण० ॥ १ ॥

छम्हया जास घेलन असहल ।

छम्हया वावापानसा छम्ह बफु लाया

म्हुति नापं खने थाकु ।

छम्हया एकादशी आसा ॥ २ ॥

छम्हया खातामं अज भुति लासा ।

छम्हया माल्हा स्वकं लासा ॥

छम्ह बफु लाया धिगेसन असहल ।

छम्ह सिया भुतुलिस वास ॥ ३ ॥

छम्हया लसीकलं प्राण उति तल तिरि ।

छम्हया दथु जिन तल छम्हया भालत ॥

देव उति उति तल ।

छम्हया ल्वातु ल्वाना वाल ॥ ४ ॥

लोक नाथया वालखनं श्री नीवास मल्लं चिन ।

कलि क्षेप रप थ्य दिन । चरणस सेव लपे ॥ दिवे ध्यान ।

श्व देह मसि वन सिल ॥ नारायण थिर गन संसार या जू ॥ ५ ॥



१०. उपमा छु तय ख्वाले लंख सोभा

राग-त्रारि। ताल-तालचो।

उपमा छु तय ख्वाले लंख शोभा पले स्वान ।
 ल्हाव छन भुतु सिस ख्वाल तिन जित फोल ॥ १ ॥
 लसिकल खन्याव समालस सप बोस्य तथा ॥
 ल्हाव छन न्हिनस सफुतं चन्द्रमाया मय ॥ २ ॥
 लोक नाथया वालखन श्री निवास मल्लं चिडा ।
 सुरपति बिब हाकु गहलया लन ॥ ३ ॥



११. माया देवीया काय ।

राग-कौला। ताल-तालचो।

माया देवीया काय अतिनं सुन्दर जगत संसार रक्षायाक ।
 लुंयाउन शरीरस लक्षण लसिकल रे श्यरू वसतनं अतिक लोव ॥ १ ॥
 पत्य हल थिय मिखा बानलाक वसरे ।
 कुली २ सं दुम्ह वम्ह भगवान ॥ २ ॥
 परहितयाय गुलि अतिनं रस थावरे ।
 ग्वम्ह २ दुखि जूल वम्ह स सुखीयाक ॥ ३ ॥
 जोग ध्यानया कथा स सहस्र तिरी वलरे ।
 पिर तिस भावन निसुजयाक ॥ ४ ॥
 विषयस लोभ मदु वसया नित्य हर्षरे ।

अनुत्तर बोधि पद लाना बिज्याक ॥ ५ ॥

नेपालया ईश्वर श्री निवास मल्ल दुखि जन जगतया आसा ।

माया देवीया काय ॥ ६ ॥



१२. सिंहया धुस जोना ब्यानया ख्याल ॥

राग-भजनः ताल—

सिंहया धुस जोना ब्यानया ख्यालरे ॥ के ॥

अद भुत जुल थनि संसारया ख्याल, न्यावोसे वने धाल नेने मदु सार ॥

सुमैरुया त्वापलस गुखिचाया वास, चलान हुकल खीचा नेम्ह हाल ॥

लिदाया व हय धका सपानि मुनाव, उली खँन लिस्थ यावतल अपमान ॥

पार्थीव इन्द्र मल्लं ह्लाक थुगुलि विहाल, थवरिति थवस्वस्थ याव विवाहार ॥



१३. चित्त तसे कन्य सखी ।

राग--व्रण्त । ताल--वं ।

चित्त तसे कन्य सखी धन्य उपाय ।

व पुरुष मुख दरसन गथे याय ॥ धु ॥


समय वसन्त ऋतु मनस उदास ।

थथिन वेलास वस पर देश वास । १ ॥

भमर हाला बल जील स्वान जुक ।

कोकिलया सल न्यने मनस मछुक ॥ २ ॥

लाल्य खाल्य अप मास बुँ होवो खन्याव ।
 न्हिनि छिया जिसरील वनयो गन्याव ॥ ३ ॥
 मलया फसन म्हस यसन थे दिक ।
 अदिक छुलहाय पासा चन्द्रमा महिक ॥ ४ ॥
 लहाम लछिमिया स्वामि पार्थिवेन्द्र लहाया ।
 गोम ओ गुलिस हेल वम वन लाप ॥ ५ ॥



१४. देवीमाता

राग—आशावरि ताल—चो

देवीमाता काछेथकुं रानी ॥
 थछे तताजु वने कुमुनिर्थ जूल ॥ १ ॥
 यया माजू डखु होस दिल ॥
 धंदे गौरि हसखा गव जगत वखानरे ॥ २ ॥
 एलि गालन भीहगल थ्यन काव ॥
 अन हासा पुता नमस्कार याय ॥
 घति लन सिक बहिलि वने अन भगि लिस ॥
 सिद्धिलक्ष्मी दरसन याय ॥ ३ ॥
 मतिकोस मुले भावनान जपे लिहांवय ॥
 मुक वोयक आनंदनं च्वने ॥
 नाना यज्ञ आहुतिन बलिदान बिल ।
 विधि पूजा यात पात यास्य च्वने ॥ ४ ॥
 रथ जात्रा याय कानना थाना ॥
 ईश्वरया उत्साहनं हर्ष मान यात ॥

लोक यात स्वयमन रस ताया ॥ ५ ॥
 नरेद्रलछिमिदेवी केवल प्रभूया ॥
 पालिया पलेस्वान थ्य ताव ॥
 शिव मिखा चंद्रमा मातृ व छल ॥
 जोगनरेन्दं वुंग साले धाव ॥ ६ ॥



१५. हरि हरि माधव ।

राग-नारारि । ताल-प्रताल ।

हरि हरि माधव प्राणया आधार ।
 हल्लेन मखना जिनं न्हेल मदु वास ॥
 जि जिव उति वल्ल विधुन छु चाल ।
 बिस्य छोया जिनं थव २ सालिक चोधाव ॥
 विर जोगनरेंद्र नं सार खें लहाक ।
 तस्यजुया चरण स सेवा फाछि याक ॥ २ ॥



१६. छुयात थ्व पिरति ।

राग-कैदार । ताल-जति ।

छुयात थ्व पिरति चछिया वछि कूहू न्हेलस वानाव जित थल ।
 खने छि ग्ववेलस खछि नखयू लाप्य-वचन फाछिन कातू ॥
 गनं पासा जि मनस अति दोल छुज्याय जित आव पुरूखतू लूमडा
 व वेथान जि जंजाल ।

नयाथ्य देनाथ्य जिमनस डन जि हृदयं बोध याय मफयाथ्य ॥
सपना विल थणि देलेनदेध मदु देहन छिछलतू म्हयाथ्य ।
पासा चान्हस जि जूय मयया जोभनया जंजाल ॥

ज्जी मन वडाथ्य प्रभूया मन चंदाल ।

हि थंना न्हिन्हि छिया दिन तापात प्रभू गथोड शव वान वातथ्य ॥
जोगनरेन्द्रया अपराधिन धाल सुदरि धीरज सार खव ।

पासा जोगलछिमि जननिके वने जि आशा ॥

विव वसन पुण्यया वलन जि आव ।



१७. जि दुःख गुलित खँल्हाय ।

राग--केदार । ताल--चो ।

जि दुःख गुलित खँल्हाय हे प्राण प्रेमु विनु छु उपाय ॥ धु ॥

अवला जि अति मिसा ।

चितस भालपा तिसा जिमनस बान समवार ॥

तिरि जाति निर गति छु जुगुति अजु मुति ।

थव थमं हल सुख वास ॥ १ ॥

पलेस्वान हल कास्य कपुर लंखन हास्य ।

थव शरीरस सास्यतया शीतल मजुव चित्त ॥

यसं थं मनस दित ।

चन्दाल कामया मदु दया ॥ २ ॥

कामना विपत्ति बिल उचित अहित जुल ।

जि चित्तस उताप ॥

नरेन्द्रलक्ष्मी प्रभु जोगनरेन्द्रनं धाल ।
न्हुबन्हु धैरज याव ॥ ३ ॥



१८. सोव सोव रसीकन समय वसन्त ।

राग--वसन्त । ताल--वं ।

सोव सोव रसीकन समय वसन्त ।
रुगल पगल पनि जुल उनमत्त ॥ ध्रु ॥
विन्द्रावनस होव नाना रंग ।
राधिका रति जुल कृष्ण जुया अंग ॥ १ ॥
चुवा चन्दन अबिर फुलेल ।
तफ ध कस्तुरी त्रीभुवन तेल ॥ २ ॥
रिधिलक्ष्मीदेविन लहाय न्यहुने गोविन्द ।
भूपालेन्द्र थाकुरथा याव आनन्द ॥ ३ ॥



१९. नारायणजु गुंया सिस ।

राग--देदार । ताल--जति ।

नारायणजु गुंया सिस रसन बिज्याक ।
न्हिन्हि छिया स्वता उन अतिन पुंदर ख्वाल ।
जवन चक्रर जोरय रुदन संत पुस्य ॥ गुंया ० ॥ १ ॥
सितस नागया फनि न्हस हनतया पोरुह ।

कोखास्यत हथातू लसिहीया माल प्रभूजू ॥ गूया० ॥ २ ॥

नेपालया छत्रपति जयभास्कर मल्ल जूजू ।

चउखंद्र राज्यलाय भय काव नारायणजू ॥ गूया० ॥ ३ ॥



२०. ए कान्हुजु छो हुने जी जमुनाया पार ।

राग--वसन्त । ताल--प्रताल ।

ए कान्हुजु छो हुने जी जमुनाया पार जिन विनति नेने माल ॥ ध्रु ॥
 मनया हतासन वया थन कार जन पने मते बिब निवार ।
 मते सने अवलाव लं वाटस गासालाव लुल मुल मभिने उवार ॥ १ ॥
 सहरया घातस अनेक बेलस लाजन मनस मछाला ।
 साजल वने थास मेव भदु अवकास अन थाय निम साम धाल ॥ २ ॥
 परया तिरीया धन खुय मन केवरन दिन दिन थुगुलि वेहाल ।
 छ पतक तोल तिव हत थाय मते जीव वय माल थन वाल वाल ॥ ३ ॥
 भासकर मल्लया वचन नेन्याव छिन तोलति गुमान विकाल ।
 रसय वस सोवस जुव सिसे सम रस वसया व रसन गोपाल ॥ ४ ॥



२१. कालि कालक पालिका ।

राग--मालव्री । ताल--खजति ।

कालि कालक पालिका छल पोल जगत उधार रे ॥ ६ ॥
 ओचु सुपाय समान सलिलस ओसत धुछेगुलि ताजरा हिल यारे ।

मोलया मनुकस कवन छेलस मोतिया मूलक तथा ओ रे ॥ जयका ॥ १ ॥
 गलस नर छेल गजन ओस कोस हाल टल मोटि भिनरे ।
 खर्ग खर्पर सरिल दबुदबु धरलपु पेका लहाहातिन रे ॥ जयका ॥ २ ॥
 नुगल कुति २ थयान अति पुति लहालपेन कतुतिन रे ।
 रत्त विजम्हसतुरी दैत्यया जुमन म्हया हिफुतिन रे ॥ जयका ॥ ३ ॥
 अतिन भयकर मुरूति वस म्हया तयान कुलिस फहन रे ।
 भुपतिन्द्रया मनस तन मन भाव भगति तथाओ रे ॥ जयका ॥ ४ ॥



२२. हादे विनति डहुने ।

राग-विभास । ताल-लं ।

हादे गनपति विनति डेहुने शुदयान ।

निधण जरम फल करमसं चोसे हल जगतश जूल जि वाक्ष ॥
 विवीधि विहाल याय थव थिति स्वम्ह धाय मफया नजुल जिको याल
 ॥ गण प ॥ १ ॥

वपल्लिया देसहास यान्याणं मजिउ दास इतडान मदूवल साल ।
 धंदान मपोनाणं ओनयो सरिल गना गथ्य जूल थथिन कपाल
 ॥ गण प ॥ २ ॥

आस थास छिविनाणं मेलेमदु गनणं सदानं छिन जि लहिय माल ।
 भाग्य मदून अति जूल यो तव विपति फोने जिणं सुयाके स्वहाल
 ॥ गण प ॥ ३ ॥

निपाल भुमिया धनि श्री रणजित मल्ल ओस सेन याई ओ बिचाल ।
 नुगलन मल्हानाव लहाय जिन थव देघाणः बेरथन वन थव जरम
 ॥ गण प ॥ ४ ॥



२३. हे मछिन्दर नाथनं ।

राग--विभास । ताल--जति ।

हे मछिन्दर नाथनं सुरज विनायकनं ।
 इस्य थिस्य वसलपु दको देव गणेश ॥
 तलेजु हेहा हतासन हररपु नेपालया कुदिन ॥ १ ॥
 हे भैरव भवानिनं चंगुस नारायणनं ।
 श्री वज्रजोगिनीनं पुरे याव ननानं ॥ तलेजु० ॥ २ ॥
 पशुपति गुहेश्वरी जय मंगला वछलालं ।
 राजेश्वरी भागेश्वरीन्हय थेया स्यव खानं ॥ तलेजु० ॥ ३ ॥
 अथ हार दुःख वल लोकन त्रास चाल ।
 उपकार बियेतेल विलम्ब मफाल ॥ तलेजु० ॥ ४ ॥
 हे. रवि कुल मणि सुरज गणया धनि ।
 नेपालया रणजित्त मल्ल उद्धार ननानं ॥ तलेजु० ॥ ५ ॥



२४. श्री स्वयम्भू नाम कास्य ।

राग--सिन्हाज्या । ताल—

श्री स्वयम्भू नाम कास्य कामुना याओन्हां ॥ धु ॥
 उनक पुरीया उन नाम श्री बैलोचन आदि बुद्ध धका सिया न्हं ।
 सिहया म्हेस दिस्य चित्तलपा मन दयकु थ्व ससाल साल न्हं ॥
 साल बिश्य कुल ज्यासभिनक ज्यास ओ न्हं ॥ १ ॥
 गगन बरन अद्योभ्य मुरूति निर्मल सरीर भूनुपति ।

अतिन वल थुओ निगुलि दन्त दुम्ह कुबुस्य तल थ्व संसाल न्हां ॥
न्हिया न्हिथं लुमन काओ वापिज्या याहुने ॥ २ ॥

सुवर्न सम तुल्य रत्न सम्भव मुनि मुमिस भलसा दयकु न्हां ।
अतिन म्हिते सओ तुरगया म्हया चोस लोकया चरिद्र नि स्वय न्हां ॥
ख्याल मते लोक पनि वापिज्या याओ न्हां ॥ ३ ॥

अरण वरून अमिताभव मुरूति जोगस जुगां जुग वन न्हां ।
ताहाक बलकास्य वापिक पनि स्वस्य मयुरया म्हयाचोसं बिज्याक न्हां ॥
सतिक वा पियमते तापाके मते न्हां ॥ ४ ॥

कोमल नयन अमोघ सिद्धि मुनि लोकस अभय मुरूति न्हां ।
बलिखा समयस वसया वाहन नागतं लिस्य वातुं गाक न्हां ॥
विलंभ मते लोक पनि एक चित्त याओ न्हां ॥ ५ ॥

लसिकल भउ पनि स्वव राव मनबोल पुवाम्हुति जोने मन मदु न्हां ।
धरम तोलताओ भालत छवे छोस्य मिखान जितुं जितुं स्वत न्हां ॥
सरम मदु मई पनि खनाओ रयाना न्हां ॥ ६ ॥

थ्व जुगस अजुगुति स्वओ स्वव मईपनि सपलसका पत हुभना न्हां ।
छित बिंया लन मुल तुक मुल स्वसुकि सिधल सतुक मुल डासुकी
अथ्य मते मई पनि मन लिकाओ न्हां ॥ ७ ॥

ल्हाकम्ह श्री रणजित मल्ल खओ नगु स्ववजन निदान धरमन साल न्हां ।
पिनाव वा बुयके नयान जरम हन्य धरम थ्य पिय स्वव न्हां ॥
श्री स्वयम्भू नाम कास्य कामना याओ न्हां ॥ ८ ॥



२५. हरि जुय मते निरदया ।

राग-विहाग । ताल-प्रताल ।

हरि जुयमते निरदया ॥ ध्रु ॥

पुरूष रतन खन्याव जी मन तव भरोसान वया ।

सोयाव छिमन जुसे निरासन जी वया आसा मतया ॥ १ ॥

अमृत वचन बियाव रसन मरमति तुने परया ।

गुनया सागर रसीक नागर थुली अगुन छितया ॥ २ ॥

सिनेहे पासन केन्याव जी मन लोक सरम मताया ।

निहान उजीव खसे प्रभु छिव संदेह तय मफया ॥ ३ ॥

कुमुदिनी पनि सरस वचन जगतजय मल्लया ।

यायीव वसन कामना पुरन सिनेहे लुमन कया ॥ ४ ॥



२६. जय नित्यस्वर ।

राग--प्रथम मंजलि । ताल--प्रताल ।

जय नित्यस्वर जगत इश्वर गउरी मतेना छि पासा ।

सिधि रीधि हल बीओ जित बल पूरन याओजि आसा हे शिव ॥ १ ॥

ओव भंगिनी ओरस रंगिनी फनि मणिन कखासे ।

रओल चपूर मूरति छितुले अगम रूप तमासा ॥ सिव जय० ॥ २ ॥

चन्द्रमा जतास वासुकि न्हसश ओहया धूसिओ लाशा ।

लहाल शुवरण जय प्रकाशन सिव महेमा प्रकास सिव जय नित्यस्वर
जगत इश्वर सिवमा प्रकासा ॥ ३ ॥



२७. रामया नाम कयाओ !

राग--प्रथमंजलि । ताल--खजति ।

रामया नाम कयाओ जनम हनेसोओ ॥ धु ॥
माया मोह पाप जाल तोल ताओ छो ओरे ॥ १ ॥
जम उतर याओ धरम जोडाओ ।
याओ रजतन छन हरि गुण लहाओरे ॥ २ ॥
पलेलास लख फुति जिव उति ताओ ।
तिरथ धरम दने हतास चाया ओरे ॥ ३ ॥
केवरन ससाल नसिप माल सिओ ।
थुलिया हुनीण हय थन भिनका ओरे ॥ ४ ॥
परलोक भिन गतिन लाओ !
जय प्रकाशया सुवचन डेना ओरे रामया नाम काओरे ॥ ५ ॥




२८. नागर याहूने विनति अव धान ।

राग--विभास । ताल--गद ।

नागर याहूने विनति अव धान ॥ धु ॥
मालिनिशा छेँस वस वास याना दिल ओस ।

बिसे हल आखलया स्वानः ॥ नागर० ॥ १ ॥
 कूचेत छिसेवकनः दुरजन थ मजुसे ।
 सल गसे हल जिखुयाओ ॥ नागर० ॥ २ ॥
 रतनया माला बिसे दुरजन मेले छोसे ।
 वया थन धरम तयाओ ॥ नागर० ॥ ३ ॥
 ओ बेलस गुपतन ओया छिके दरशन ।
 लाना जिन छिके अति मान ॥ नागर० ॥ ४ ॥
 पुरुषया धरमन बिल जित दइवन ।
 मनरथ पुरण यानाओ ॥ नागर० ॥ ५ ॥
 जय प्रकाशन नृपति वचन लहाक ।
 सुखयाय धरम यानाओ ॥ नागर० ॥ ६ ॥



२९. नमो नमो नमो देवी ।

राग-भैरव । ताल-प्रताल ।

नमो नमो नमो देवी अर्ध मूरति शिव संखर नाथ हरं ॥ ध्रु ॥
 गनेश कुमारं तसे जव खवस ।
 चन्दर कलानं सिर सोभानं प्रकास अतिनं ॥ १ ॥
 बछि जतापोलं बछि भिनस सपोल ।
 पुयाव मतुकं नीरमल गंगा सित रंगन भिन ॥ २ ॥
 बछिस ह्यांउनं वछि फतकि उनं ।
 सूर्य चन्दरमानं न्हसस कुन्दलन ॥ ३ ॥
 भुति कुन्दलहेस गल मोल मालं हृदयस हालं ॥

बिज्याक रसनं जाज्वल्यमान रूप गौरी महेसं ॥ ४ ॥

जय प्रकाशं भक्त शिष्यनं दयान स्वस्येनं मंगल पुन्य विव भैरव भेषं ॥ ५ ॥



३०. मते लेन दूदल माजु ।

राग--सिन्हाज्या । ताल —

मते लेनः दूदल माजु उधार याहुने ॥ ध्रु ॥

पुलचो माजु लक्ष्मि देवताः मनु क्षया गति मति थान न्हं ।

पुलचो माजु धास्यः लोकन नाम कास्य वागाच काव हय तेन न्हं ॥ १ ॥

ध्यलचो माजुन तदहया नागोनीः कोय न्हं गरायति देव न्हं ।

।र।दि सिद्धि लात काव सिन्हाज्या वन पनिः गाहक लाक प्रसंन न्हं ॥ २ ॥

दूदल गनस सुमलये अनेग पुजा कर्म याय न्हं ।

दुन माजु धास्य लोक वल कस्यः गंगां हयक प्रसंत्य न्हं ॥ ३ ॥

सिन्हाज्या त्यलयो खम्हन धायूओः बूना वापिल नी वने न्हं ।

खम्हस्यन जि चीस्यातः खम्ह भाजु यीन कलः जित नापं रक्षानि याव ॥ ४ ॥

बूस थ्यन वल मईः मइचा मतेनापुः लखन चान गथ्य कि तम्हः छिन रूप

जौभन खना व जिमन वनः धीरज याय जि मफया न्हं ॥ ५ ॥

वने ल मसिया गुगु दिसा मसियाः छिन जिनापं वोना यहुनिः ।

जिन छि लिलातक पलाखन वया भाजुः कुसानी जोनाव भौस न्हं ॥ ६ ॥

खयाख ज्यायाख माल थ्व जुल भाजु पुवानि जोनाव भौस न्हं ।

आम बूस वापिय जिमन मा गथ्य भाजु छिन नि पीना ओ केव न्हं ॥ ७ ॥

सुयाऽवले वागालेः कुसान कुयाथ्यः छिव जी चोने ययापू ।

सुयाऽचिले निभातोयूः कुसाजा तोलताथ्यः मनजा उमा उमा म न्हं ॥ ८ ॥

सिन्हाज्या जुव खना तिस्यवनि धकावः हल जल थायजी मतेले न्हं ।

जिन छि भालपास्यः छिनजी मन जुस्य मनजा थिथि वाय मत्यन्हां ॥६॥
 खचि खाचा दखलख मेले वने मते मईः जितनी बिचा याना धाय न्हं ।
 अमथ्यजा मयो भाजुः छिगु मनसं खतसा छे बोना यहुने न्हं ॥१०॥
 सिन्हाज्या धुनकावः सिलं चालं धुनकाव द्वादसि उपासनं चोने न्हं ।
 व बेलस छिन जिके भावजा दतसाः पुसामि छि जुल धका धाय न्हं ॥११॥
 मंगलन लितल लितपु दिसः गौरीं कुंभ तिर्थः हरिहरि ।
 थ देशया विस्नु मल्ल जुजुयाः जस पर ताप वोल न्हं ॥१२॥
 लोक नाथ्या नाम कास्यः चोनिजि मलोसानंः उधार जि यायतेल न्हं ।
 छलपोलं मयास्थंः सुनानं दया दयूः करूणा दया दस्य प्रसने न्हं ॥१३॥



३१. हे करूणा सागर ।

राग--भुपरि । ताल--जति ।

हे करूणा सागर लोकनं छलपोल मंसिल ।
 ब्रह्मलं ब्राम्हं बुल ब्रम्ह भुवनस तल श्रृष्टिकर्ता ब्रम्हानं धालरें ॥१॥
 नुगलं जात जवम्ह ऋषीकेश विष्णु धाल संसारस वन तोकं पुलरें ।
 शिरनं शिव बुल महारुद्र महेश्वर पशुपति धका मान्य कालरें ॥२॥
 नथन जात जुवम्ह चन्द्र सूर्य हितु हिला मनुष्यया दिन रात्री सिलरें ।
 दंतया निम्नोलनं विज्याक सरस्वति शास्त्रया अधिपति जुलरें ॥३॥
 मुखनं प्यहांवल मारूत वायुदेव जगतया जुल प्राणरें ।
 नाभिन नागराजा वरूण नाम दन लखया खुशी वनयातरे ॥४॥
 जव गुच्छि पुलिन कुवेर धनपति अलकापुरया जुजु जुत्तरें ।
 खव गुच्छि पुलिन विष्णुया तिरी धाल लक्ष्मि धका मान्य कालरें ॥५॥

कुलिश धर मुख अमर गण सव रोम विवरण जात जूलरे ।
त्रिदश भुवनया सकल प्राणिया नाथ जुयाव अनाथया ॥६॥
महिमा अनन्तया पार यायगन दोलछि शिर दुम्ह शेषरे ।
च्वापोगु व्छय ख्वाल पञ्चगु सहकाल नरपति श्री राजेन्द्र धालरे ॥७॥



३२. नुयो हाये भिभिस्स्यन विनति ।

राग--वसन्त । ताल--लं ।

नुयो हाय भिभिस्स्यनं विनति याना स्वय ॥ धु ॥
अज गुति जूलयो थनि बुबाया दुःख स्वय मनना नि
संग्रामस हार जूल थनी पिता धाय गथिं विरसत्व संसार बस्य तल
थनि काम देवथा वलनं कथ्य थुने नुयो केहेजू ॥ नुयो हाय भिभि० ॥१॥
भिभि स्वम्ह तव केहे दतयोबुबा दुख केनव तपसिया भंग यायतक्ने ।
भिभि थिन सुंदरी हाय भुवनस मदु जोल ।
भिभि रुप खनाव जगत मोहिनी केहेजू ॥ नुयो हाय भिभि० ॥२॥
बोधि वृक्ष सिमाया कोस वसलपा दिल वस.
छाय निरंजन वनस दिल वस आखुनुं वसुंधरी हय जास्ये वन ।
जौभन थथिगु रुप जौभनस गथ्य वाना थकेहे केहेजू ॥ नुयो हाय भिभि ॥३॥
छाय राज कुमार राजाया भोग तोलताव थन छुयायत बिज्यायमाल ।
वसन्तया समयस कामया रुपनं हय भिभि स्वम्ह स्वम्ह धाय.
वल्छम्हजा खव केहेजू ॥ नुयो हाय भिभि० ॥४॥
रति रस रस बिव छीं मुमुक न्हीलाव क्यव.
जिपनि खनाव विद्या आदि ताल थाम्य जंत्र आदी सरींगा थास्य
मृदंग बहुलि ताल थास्य नाथ्यकासे भित्ते केहेजू ॥ नुयो हाय भिभि० ॥५॥

नाना करा नाना रस म्हित्य धका वया थास थथ्य गुमानि ज्ञयादिल ॥
 थथ्य चोना मजिलयो वस पोल्या थास वने.
 ल्वाचाक घस पुना निश्चयनं थव केहेजु ॥ नुयो हाय भिभि० ॥६॥
 हाय २ मसिया ख सपनास मखनाथ्य थथ्य ख्वयका तयिव मताया ।
 मत्य मत्य सहसू दिनति मिसा जाति सास्ति अति बिब रुप न्हापायाथ्यं
 परसय ज्ञयमाल केहेजु ॥ नुयो हाय भिभि० ॥७॥
 विनतिन, द्दमा फोस्य शावय सिंह मुनि स्यनं विर रुप यानाव विल ।
 श्वर रुप याना विल वसपोल्या शरणस ॥
 वस पूजा याना याकलनं स्वर्गतारा जूल केहेजु । नुयो हाय भिभि० ॥८॥
 नुयो वने अनतपरि थवया लिसल बुबाजु कडे बिर्तांत परसन खहकडे ।
 थिथि मुखईस्य स्दस्य आनंद जूल थनि ॥
 थवया थास अवस्थन सिध जूल खव केहेजु ॥ नुयो हाय भिभि० ॥९॥
 श्री जय भगवान शाक्यमिंह नाम दन जगत संसार रक्षायाक ।
 नृपति श्री जय विर राजेप्रकाश मल्ल वस पोल्या चरणस
 दरशण लाय केहेजु ॥ नुयो हाय भिभि स्यन विनति याना स्वय ॥१०॥



३३. लोकनाथ विव जित ज्ञान ।

राग--केदारा । ताल--जति ।

लोकनाथ विव जित ज्ञान वरदान ॥ धु ॥

अतिन सुन्दर ख्वाल अरूण समान ।

सुरज थ्ये थिक लुया चिंथया समान ॥ १ ॥

होसे चोन पलेस्वन हल मिखा बान ।

अभि तांभ तथागत सिरस तयाव ॥ २ ॥
 अनेक रतन मानिक तिसान तियाव ।
 तं तं हयाउँ वाउँ स्वान सिरस तयाव ॥ ३ ॥
 छिपालि निपाया कोस वेदन यान्याव ।
 सोरगया अतिधिष लात छि सेशान ॥ ४ ॥
 पुन्य लछिमिया स्वामि राज्यप्रकाश ।
 थात वल बिब थव मचा भाल पाव ॥ ५ ॥



३४. प्रभु जिन गथे कहे ।

राग--प्रथमंजलि । ताल--स्वजति ।

प्रभु जिन गथे कहे लकसिनि जातरे ।
 स्वय अति सुंदरी कपतिया जातरे ॥
 अति दुःख जालरे ॥ १ ॥
 छल पोल स्वम्ह सया अति पुति भालरे ।
 जूगु तिन गथ्य याय जुयिओ सदानरे ॥
 अति दुःख जालरे ॥ २ ॥
 निप जोति परकासनल्हाकरे ।
 आहुति याइको थनि छमी जुयू कालरे ॥
 श्यायमते आदरे ॥ ३ ॥



३५. मनकामना देवी, तारिणी ॥

राग — ताल —

मनकामना देवी तारनि गुणया बखानि ॥ ध्रु ॥
 तेमुल सूर्यया जोती थान वान पारवति ।
 स्वामि जुल हे देवी श्री पशुपति ॥ १ ॥
 बलि नजा गति मति दरसन बिब भति ॥ २ ॥
 संसारस मदु छिति वारं वार दुःख अति ।
 वने चोने हे देवी मदु जित गति ॥ ३ ॥
 ल्हारुल अक्षानि जाति धिवेक स्वव भति ।
 स्वगु लोकस हे देवी मदु छि विनानं ॥ ४ ॥
 श्री पृथ्वोनारायण नेपानया छत्रपति ।
 सुख बिब हे देवी प्रजायात गति ॥ ५ ॥



३६. पिरतिया पुरुषन ।

राग-सिन्हाज्या । ताल —

पिरतिया पुरुषन वाना जीत थल ॥ ध्रु ॥

झालयो सदेमः जुलयो वनवासः जुया जि मन अति विलास ।

वसया चरनसंः चोनेजि अतिरसः जुया जि मन अति हतास ॥ १ ॥

मनन झाल पाथ्यः मतिल दयीवनः त्वल ताव वन व पुरुष न्हं ।

तिरीया तनमनः मविले दयीवनः होनकिओ ओल प्रभू ननानं ॥ २ ॥

होलयो जिल स्वानः अतिन वासनानं भवरन रस काय मखन ।
 चान्हस लुमनावः चोनाजि याकतनः खोयाव जि नुगल मञ्जिन न्हं ॥२॥
 चान्हं न्हिनं सुमलयाः भिमस्यन देव याके वस प्रभू ननानं थ्यनक न्हं ।
 मनया संतापनः सलिल जि गनावनः फुतथो थ्व जुनि सितिन ॥४॥
 भिमस्यनया दयानः झालयो वल्ल प्रभू लसया ख भर्ति निल्लहय न्हं ।
 ख्वालला अतिभिनः मुसुकः न्हिन्ना केनः खलहाय अति भिन वचन न्हं ५
 व्यासल गुयखु आपाढ कृष्णयाः आमास्या सोमवार दिन न्हं ।
 थुगुलि वेलसः संसारया नृपति श्री सिंह प्रताप जल न्हं ॥६॥



३७. ॐ नमो सरस्वती ॐ नमो भगवती ।

राग—सिन्हाज्या । ताल—

ॐ नमो सरस्वती ॐ नमो भगवती ऋद्धि सिद्धि फल त्रिव इश्वरी ।
 सिन्हाज्या बेलस मनस विरह जाजे उलमत जुस्य पिव्यावय माल न्हं ॥
 अय सखि चित्त थिर मदु यो उपकार याहुने ॥ १ ॥
 नकोया जौभन जाल नाना रंग स्वान खले माया मतइ व ग्वह्य मिजनु ।
 तिरथस मोलल्लहुय जि रत्न अन खने जुगुतिहुं याकवम्ह प्रभुनं ॥
 अय सखि माम बुबा बिल जुल डनकु पन्हसने ॥ २ ॥
 मोहस दुक्किसे मन मन मदु मन तसे शुभ गति मेले बिसे हल न्हं ।
 तोलते मफु मनं सिनेह पिरति जाले पुसामिन जित वाना झाल न्हं ॥
 अय सखि चाथा चछि न्हेल मदु खोतु खोसे चोना न्हं ॥ ३ ॥
 बालखया सिनेह जाले पिरतिया दासि जुले प्रथम उमेर बिसे हल न्हं ।
 मफया धिरज याय सरील जि गतु गले हल मदु सिमाथे जि डन न्हं ॥
 अय सखि सेहलपे मजिव प्रभुत लुमना न्हं ॥ ४ ॥

गितयो जित्थो परील गिन वने गिन चोने गितुं गिसे जिव हिन जुल ह्यां ।
 गुस होल जिल स्वान भमर अन मज्जु थ जउमन बेरथन फुत न्ह्यां ॥
 अय सखि धिरजनि याय याकत जि जुल न्ह्यां ॥ ५ ॥
 श्रय मदु माले मेले माले धाले वले डेले हेमालस वास यास्य दिल न्ह्यां ।
 मते दिय ताकारनं भायमाल जि खडेसे थ जौमन बेरथन फुत न्ह्यां ॥
 अय सखि पिद च्याद दत वैश जि वन न्ह्यां ॥ ६ ॥
 रावन अबला बले रावन सितायले थुगुलि तारसि थ्यं डन न्ह्यां ।
 सिव २ नाम कास्य म्वाय जि मन दव पेन्हु न्हापा सियतुं जिमन न्ह्यां ॥
 अय सखि गथिन जिजुलयो दुःखया विरह न्ह्यां ॥ ७ ॥
 ययान मदले म्वाय मनुछे जरम जुय पुसामिन जितवाना भाल न्ह्यां ।
 धर्म सत्य तलेन विधातान छोस्य हल होन किव दइवया दयान ॥
 अय सखि थव छे लिहावने मन बोध बिहुने ॥ ८ ॥
 सेवकन थो खलहाले लोकया सुमति जाले नव नागराजा हरखन न्ह्यां ।
 सुरज चन्द्रमा खले भिनक सिन्हाज्या याले त्रिभुवनया करुणामय
 मेघराजा न्ह्यां ॥
 अय सखि सिन्हाज्या धुनयो प्रति पाल याव न्ह्यां ॥ ९ ॥
 नेपाल संवत जुले गगनविन्दु मवाले सा दुर्गाया महिमा भति सिया न्ह्यां ।
 तछलाया गातुं वले मंगल तिथि दले रामवार थौ ख ल्ह्यात न्ह्यां ॥
 अय सखि श्री रणवहादुरया परताप बोल न्ह्यां ॥ १० ॥



३८. श्री करुणामय लोकनाथः दरसन ।

राग-सिन्हाज्या । ताल—

श्री करुणामय लोकनाथः दरसन याय न्ह्यां ॥ धु ॥

गोरख नाथन भिक्षा फोन बलः लोकन भिक्षा फोन मबिल ॥
 नव नाग लोक पुस्य आश्रम यानावः द्वादस पाउखा वामगाक न्हं ॥१॥
 नरेन्द्र देव वंधुदत्त समस्तन ककेनी सहितन वस न्हं ॥
 मंगल श्री देसस जप तप साधनः कमल किमानिन बल न्हं ॥२॥
 राजा सके फोनव लोकनाथ हयावः नेपालथ थ्यनकल हल न्हं ॥
 गोरख नाथनः मछि मिछि दर खनावो आनन्दन दरसन यात न्हं ॥३॥
 थुगुल स्वयाव नव नाग वनाव मुसल धारा प्रमानन वा गात न्हं ॥
 महुवा गाचकावः आहार वियावः आनन्दन लोक रक्षायात न्हं ॥४॥
 पुसावा होलावः परकाल स्वयावः सिन्हाया म्हाति २ यात न्हं ॥
 सिन्हाज्या धुनकावः श्रावनः मासस पिंद्र पात्रअन्न दान बिल न्हं ॥५॥
 बैसाख मासया पारूया दिनस रथन दनाव बिज्याक न्हं ॥
 विरीचि नारायणः अतिते हरखनः लोकयातः उधारयात न्हं ॥६॥
 दानया प्रभावन अतिन पुन्यलासेः भावन संपति जुल न्हं ॥
 बैसाख मासस लोकन भालपावः थव थव दिगु पुजा यात न्हं ॥७॥
 खवे मखु स्वव थव सुपुरुषः स्यन पने नेम दुम्बथा नुगल न्हं ॥
 संवत "भुनेगुलिः दुर्गासहितन" तछलाया यकादसि दिन न्हं ॥८॥
 ल्हाकम्ह श्री रणबहादुरः महाविर लोकनाथा महिमा खनेन न्हं ॥
 वम्ह कृपानं लयन जात्रासः आसीक वियाव बिज्याय न्हं ॥९॥



३९. श्री जय बालसुकि नागराजा ॥

राग-सिन्हाज्या ॥ ताल—

श्री जय बालसुकि नागराजा वागाका बिब छिन न्हं ॥ धु ॥

जामाचोया भगवान नागर्जुनया सिद्धागण लहुतिस मोल लहुया वय न्हं ॥
 इचंगुया नारायण आदेश्वर महादेव चुनिमाजु दरसन याय न्हं ॥१॥
 देव दको सया गुरु श्री महामंजुश्री भगवान दरसन याय न्हं ॥
 श्री विद्याधरीमाजु भद्रमति घोरीनाग भगवती दरसन याय न्हं ॥२॥
 थवहिगा गरुजुजु लुतिया इन्द्रायनी भगवती दरसन याय न्हं ॥
 भ्वीजःसिया नारायण फुसिं खेलया मनामयजु सपतिया गणेशयाके
 वने न्हं ॥३॥

मोलानाप चन्द्रेश्वरी सिपूचोया भगवान गोकर्णेश्वर दरसन याय न्हं ॥
 विश्वनाप वागमति मनिचूडदह चोसं मनिर्लिंग दरसन याय न्हं ॥४॥
 सकोदेसया वज्रजोगिनी संखदहन मोल लहुय चांगुनारां दरसन याय न्हं ॥
 इदेसया सरस्वती थ्यमिदेसया बालकुमारी खोपदेसया सूर्यविनायक
 वने न्हं ॥५॥

भोदेसया चन्देश्वरी नमो बुद्धमहा सत्व पनौतीस मोल लहुय वने न्हं ॥
 गोदावरी मोल लहुय विसेंखुया नारायण फुलचोमाजु दरसन याय न्हं ॥६॥
 वादेसया वज्रवराहि वुंगदेसया करुणामय गोपालेश्वर दरसन याय न्हं ॥
 चतुर्भुज नारायण भृगुया वज्रजोगिनी दखिकालीका दरसन
 याय न्हं ॥७॥

त्यांगाया भैरव तयदहया नवनाग बोदेसया गणपति सरण ॥
 कोयलाया बालसुकि सिद्धिदाता गणपति आनन्दलोकेश्वरया सरण ॥
 केपुदेसया बाधभैरव तखुतिया नील वाराही कर्गेश्वरी दरसन याय न्हं ॥
 चावहिया गणपति खास्तिया चैत्य धर्मधातु गुहेश्वरी दरसन याय न्हं ॥८॥
 श्री जय पशुपति बालसुकि नागराजा दको कुण्ड दरसन याय न्हं ॥
 श्री जय वागमति नंसाया भगवती आकासजोगिनी दरसन याय न्हं ॥९॥
 असंमलु, लुचुंमलु, जनबाहा लोकेश्वर तलेजुय नवदुर्गा भवानी ॥

तुनिखेलया माहाकाल लुमहीया भद्रकाली पचलीभैरव वने न्हं ॥ ११ ॥
नरनारायण राजा श्री गीर्वाण महाराजा अखण्ड परताप बोल न्हं ॥ १२ ॥



४०. बिज्याक श्री मंजुदेव वरसन नेपाल ।

राग-वसन्त ॥ ताल--जति ॥

बिज्याक श्री मंजुदेव वरसन नेपाल ॥

हादे दे सिंधया म्हस चोस्य चन्दहाल खतग जोस्य निम्ह देवी पनि
साथ यास्य ॥

नागवास दहनस सुवर्णया पत्य चोस २ ज्योतिरूप स्वयम्भू हतास
बिज्याक ० ॥ १ ॥

हादे कालिया प्रमुखन नागराजा पनाहया थिथिरस यास्य चोन
सुखनं कोकिल आदिनं चक्र वंस हंसनं अनेक जलपंक्षीया बास ॥ २ ॥

अगाध दहंखना लंखस को ब्वाय ज्ञाना कापोतल पर्वते वना ॥
देव दैत्य मनुष्यया मनया भाव स्वया २ परवत ध्यना लंख छोना
बिज्यात बिज्याक ० ॥ ३ ॥

हादे नागराजा पनि हया दहनस बास बिया स्वयम्भुया दर्शन याय ॥
प्यगोल शिलवा प्यालरंग वर्ण सहकाल नरपति राजेन्द्र विक्रम
घाल बिज्याक ० ॥ ४ ॥



४१. हादे जरम मरण ज्याथ ॥

राग--मालवा ॥ ताल--एक ॥

हादे जरम मरण ज्याथ रोग हरण यायतु मन ।
 हादे राज्य सुख तोल ताव झाल तपो वन ॥
 याव हे शरण श्री महा बुद्धया ॥ १ ॥
 हादे बोधि वृद्ध सिमाया कोस विज्याक तपस्या याना ॥
 हादे बोधि ज्ञान लात अन जुल बुद्ध वीर यावहे ॥ २ ॥
 हादे नमुचि मार सपरिवार लक्ष कोटि बल.
 हादे हुनुनुनं हालदाल यात अनेग प्रहार यावहे ॥ ३ ॥
 हादे चिमिस प्वालं वसया पिकाल दश भैरवया गण ॥
 हादे बलंबले लित जोझों पापा धाल मार गण यावहे ॥ ४ ॥
 हादे पंच रंग प्वाल साल लहाल त्रिस्वनं दनं
 हादे महाराज राजेन्द्र विक्रम साहेब यावहे ॥ ५ ॥



४२. आसा जिलोकेश्वर छिपालि पलेया

राग--बरारि ॥ ताल--प्रता ॥

आसा जि लोकेश्वर छिपालि पलेया ॥
 लख लपी अनाथ स्वयाव ॥ १ ॥
 सुन्दरी राक्षसनीया रूपन वस जुया ॥
 चोनम्ह सिंहल स्वया ॥
 बना बना भास वया रति करमत जया थव रूप दर्शन बिया । २ ॥
 बाराह सल जुया दको लोक ह्यसतया समुद्र तरलपा हया ॥
 मायान लितु स्वया सल म्हन कुति वया थव नालायन लितुबुया ॥ ३ ॥
 छिगु नाम जक कया चरणस भोकपुया ॥
 सिंहल छम्ह बिहां बल दयान जुजु जुया ॥

धर्मस लोकतया धन्य लोकनाथ धया ॥ ४ ॥

चरण रग गुया वर्ष ध्व नेपालया ॥

नरपति राजेन्द्र धया ॥

लहाकम्ह अनारि सीया विमतिस दया तथा फुतकीव आव मति
लोकया ॥ ५ ॥



४३. हे करुणासागर लोक ॥

राग--भूपरी ॥ ताल--जति ॥

हे करुणासागर लोकनं छलपोल मसिल ॥

व्वहलं ब्रम्हा बुल ब्रम्ह सुवनस तल श्रृष्टिकर्ता ब्रम्हानं धालरे ॥१॥

नुगलं ज्ञात ज्वम्ह ऋषिकेश विष्णुधाल संसारम वन तोक पुलरे ॥

शिरनं शिव बुल महारुद्र महेश्वर पशुपति धका मान्य कालरे ॥२॥

नयन ज्ञात ज्वम्ह चन्द्र-सूर्य हितु हिला मनुष्यया दिन रात्री सिलरे ॥

दंतया निम्नोलनं बिस्व्याक सरस्वती शास्त्रया अधिपति जुलरे ॥३॥

मुखनं प्यहां बल मारुत वायुदेव जगतया जुल प्राणरे ॥

नाभिन नागराजा वरुन नामदत लंखया खुशी वन यातरे ॥४॥

जव गुच्छि पुलिन कुवेर धनपति अलकापुरया जुजु जुलरे ॥

खव गुच्छि पुलिन विष्णुया तिरी धाल लक्ष्मीम धका मान्य कालरे ॥५॥

कुलिश धर मुख अमर गण सव रोम विवरण जात जुलरे ॥

त्रिदश सुवनया सकल प्राणिया नाथ ज्ञयाव अनाथया ॥६॥

महिमा अनन्तया पार याव गगन दोलछि सिर दुम्ह शेषरे ॥

च्चापोगु व्छय रुवाल पञ्चगु सह काल नरपति श्री राजेन्द्र धालरे ॥७॥



४४. थ छेस मुना वन वुंगस इषाया ।

राग-घनाश्र ॥ ताल-एकताल ॥

थछेस मुना वन वुंगस इषाया भैरव थास ॥

द्य चाक सिद्धगु हिरिंगिरी लुता वाहा श्री करुणामय थास ॥१॥

त्यांगया गणपति खोनाया रुद्रायणि कथन्हाया गणपति थान ॥

कथन्हाया नव नाग आनन्दादि लोकेश्वर चोबाहा कया महादेव थास ॥२॥

चोबाहा कया गणपति न्यखुहुस ब्रह्मायणि पलिगाले महेश्वरी थास ॥

हासपोता गणपति लोहंगल इन्द्रायणि पचलि भैरव थास ॥३॥

मर्तिलिस महालक्ष्मी बुद्ध वारी कालिका अथकया नारायण थास ॥

मरुस गणपति तव्वस भिमस्यन तंकेश्वर महादेव थास ॥४॥

खुसिबहिली बोधिसत्व किन्दुबाहाया शाक्यसिंह देवताया

दरसन याय ॥

फयखाया भैरव आदेश्वर महादेव इचंगु नारायण थास ॥५॥

इचंगुया मंडल चैत्य हलचोस विष्णुदेवी महामजु श्री दरसन ॥

पुलांस्यंगु भगवान स्यंगुबाहा शाक्यसिंह हारति दरसन याय ॥६॥

स्वयम्भु भगवान वसंधरापुर, वायुपुर दरसन याय ॥

अग्निनीपुर शीतिपुर नागपुर दरसन याय ॥७॥

विद्याभरादेवी- माई इन्द्रायणिदेवी सिगल भगवानया थास ॥

थबहिली बोधिसत्व पकना गणपति न्हेगु पिथ जोगाम्बर थास ॥८॥

पोनेपा चन्द्रमा श्री सुर्यदेव लाजपातया नारायण थास ॥

सारुवा नागराजा सारुवाना सरस्वति नारांहिति नारायण थास ॥९॥

नंसाल महादेव नंसाल भगवती आकाश ब्रम्हायनि थास ॥

तोन्नन विष्णुदेवी धंदे वाराहा चाबहिली गणपति थास ॥१०॥

धन्य चैत्य उवाच महाकाल हारति दरसन याय ॥
 खासा तिर्य भगवान बागमति स्नान गुहेश्वरी दर्शन याय ॥११॥
 गोरखनाथ राजेश्वरी वङ्गला देवी थास ॥
 मृग शुचा दरसन बालसुकि नागराजा पशुपति दरसन याय ॥१२॥
 जय वागेश्वरी वनकाली काम निल खुं दरसन याय ॥
 गुथु लोहंत दरसन कुटि वहा महादेव कुटि बाहाया भगवान थास ॥१३॥
 सिक बहिली चामुंडा काछेस कुमारी भगिलिस सिद्धिलक्ष्मि थास ॥
 गक्तेश्वरी महादेव सूर्य विनायक जल हरि लोकेश्वर थास ॥१४॥
 दोलन्या माजू लगनश्वरी मतिको मैरब थास ॥
 लंगथुर भगवान थछे माजू दरसन वनेनुधो पासा दिपसा उले ॥१५॥
 श्व वेलस नर पात श्री राजराजेन्द्र विक्रम साहदेव ॥
 सम्बत गुसल संखुयन्या शालस आधीन पूर्ण सकांति दिने १६॥



४५. थईना जय जय श्री गणनाथ

राग-वरारि ॥ ताल-एकताल ॥

थईना जय जय श्री गणनाथ ॥ धु ।
 मतुक रतनया चन्द्रकला स्वान तिया ॥
 स्वगल सुदृष्टिन स्वया ॥ १ ॥
 ताहाक शोण तिना वाग्वल छम्ह हुना ॥
 ऋद्धि सिद्धि निम्ह घसपुना ॥ २ ॥
 मदगंध नतुना भ्रमर बया त्वना ॥
 हस पोत सनकाव ख्याना ॥ ३ ॥
 पा लैन मधि जोना, छपान जय याना ॥

विघ्न गण नाश याना । उत्तर मुख याना ॥
 भैरवया म्हस चोना रसनं थान कया केन ॥ ४ ॥
 लहाकम्ह थव खना अपराध क्षमा याना ॥
 विहुने दुःख नाश याना । नयन पंच प्वाल ॥
 लायुग राज धाल नरपति राजेन्द्रनं धाल ॥ ५ ॥



४६. माई हे जननी चंदेश्वरीदेवी।

राग--बरारि ॥ ताल--एकताल ॥

माई हे जननी चंदेश्वरी देवी ॥ ध्रु ॥
 चंदन वनस चंपक सिमा हास गुप्त यानाव वास ।
 विधि हरिहर वया दुःखया खँ कना ख्वया
 चंदासुरया भय चाया ॥ माई हे० ॥ १ ॥
 म्हसखाया म्हस दिस्य रसन थान कास्य
 अरुणया कोटि तेज जुस्य वृक्षया मुलन
 कुमारि रुपकेन चेंव दैत्यया शिर ध्यन ॥ माई हे० ॥ २ ॥
 भगतया उपरस अनेक रुप केन ।
 विश्वरुप गुह्यश्वरी धाल ॥
 चत्तन शरवन ऋषी पंचमि दिन ॥
 नृपति श्री राजेन्द्रसाह देवनं ॥ माई हे० ॥ ३ ॥



४७. शाक्यराज आदिनं विजयश्री भगवान्

राग--भङ्गजलि ॥ ताल--एकताल ॥

शाक्यराज आदिनं विजयश्री भगवान् ॥
 असंख्य भिन्नुगण सघ पनि सहितनं लिचकाव विज्यात बुलुहुनं ॥१॥
 सम्यकसं भोजन लगम क्षत्र अति बान ॥
 याव लोक उधार ननानं ॥ २ ॥
 नाग वास दहनस सुवर्णया पले स्वानस ॥
 ज्योति रुप स्वयम्भू प्रकाश ॥ ३ ॥
 सत गुरु मंजुश्रीनं दहणथा लंख छोन ॥
 गुह्यधरी लात दरशण ॥ ४ ॥
 ब्रह्मा विष्णु रुद्रगण अनेक देव लोक थ्यन ॥
 थव थव थास नाला चोन ॥ ५ ॥
 ककुल्लन्द बुद्धनं अभिषेक निमितीनं ॥
 वागमति भिकया केन ६ ॥
 त्रिरत्नया चरणं शरणया पुन्यनं ॥
 नेपाल धका नाम दन ॥ ७ ॥
 नरेन्द्र देवनं बन्धुतया बलनं ॥
 विज्याह्य श्री करुणानिधान ॥ ८ ॥
 कपतिन मुचिन अनेक छल याना केन ॥
 दश अकुशली जुल जन ॥ ९ ॥
 धन मदु रतिनं लोभसं चित दुन ॥
 भूमि कम्प जुल दिन दिन ॥ १० ॥
 आज्ञाजूया आननं ह्य मदुह्यया धन ॥
 तुति नतो नप निथान ॥ ११ ॥

नेपाल वर्ष मुन पौषथा स्वन्हु दिन ॥
 ध्यो चाकुन याय पालन ॥ १२ ॥
 नरपति श्री राजेन्द्रनं दान पति सहितन ॥
 थाव लोक ननानं ॥ १३ ॥



४८. माहांमाया याहुने जगत उधार ।

राग--भिषलासि ॥ ताळ--प्रताल ॥

माहांमाया याहुने जगत उधार ॥ ध्रु ॥
 थुगुली समयस अतिन भय जुल याय मफु लोकन उपाय ॥
 देवमुनि सिधनं लाय मफु छि चरण नरन छु भावन लाय ॥ १ ॥
 सो गुली भावया अधिकार जुसे चोन विहुने मनया उसास ॥
 जगतया माम जुसे लखलपे तेल लोक त्राही त्राही म्हसे जुया ॥ २ ॥
 मेवया बल मदु छी ज्वल मेव देव देव यम देव श्री काली ॥
 कलिस काली विना गति बिब सुदु जनम २ छिगु आशा ॥ ३ ॥
 जगतया माम बबु गुरुदेव विद्या धन जन छि विनान मदु ॥
 दुस्तम्ह फुतकसे भक्तम्ह दुतकासे बिज्याक रसन भवानी ॥ ४ ॥
 मुखन लहाना थखं छेमा याहुने थन विहुने चरनस वास ॥
 श्री राज राजेन्द्र बिक्रम साहदेवया अखन्दपरताप थाव ॥ ५ ॥



४९. द्वाफोल स्वानया वरण वसया रूप ॥

राग--मालवा ॥ ताल--एकताल ॥

दाफोल स्वानया वरण वसया रूप जुस्य चोन ॥
 स्वस्व किकि स्वय मगाक वस्पोलया रूप नमो नृत्यनाथ ॥ १ ॥
 बालक चन्द्रमा जताया पोलस अति शोभा माने ॥
 थास थास नागराजा तिल हिल वान नमो नृत्यनाथ ॥ २ ॥
 दमरु त्रिशूल जोना रसनं प्याखुन हुयाव ॥
 नंदि भृंगी सहित रसनं विज्याक नमो ॥ ३ ॥
 नृपति श्री सुरेन्द्र विक्रमसाह शिरो मणि घाल ॥
 लहाकम्ह अज्ञानि यात सिद्धि विय माल नमो ॥ ४ ॥



५०. हाहादे अंज उन कुलि तुसे च्वन ॥

राग--विभास ॥ ताल--प्रताल ॥

हाहादे अंज उन कुलि तुस्य च्वन ॥
 शिरसं केशया वान ॥
 मिखाया वान २ चवल स्थानया हल थ्यं च्वन ॥
 अतिन सुन्दर श्री भगवान ॥
 गुणया सागर गुरु मुनिश्वर ॥ १ ॥
 लुं उन म्हासु वदन ॥
 अतिन कोमल रूप श्वयतु मगाक २ सुयनिता सुलक्षणं संयुक्त
 शोभामान अतिनं ॥ २ ॥

चिवर निवासनं पुस्य पिंड पात्र दंद ज्वनाव ॥
 तेजया मालानं त्रिभुवनस खयका विज्यात अतिनं ॥ ३ ॥
 सुर नर देव नाग स्थनं अनेक पूजा यानाव ॥
 वसया उपदेश २ न्यण्णु मालपाव विनति याना च्वन ॥ अतिनं ॥ ४ ॥
 सकलया पूजा मान कास्य करुणा उत्पति यास्य
 भिन्नु सहित यास्य २ धर्म उपदेश विस्य विज्याक ॥ अतिनं ॥ ५ ॥
 परहित याय गुलिस अतिन रस याक ॥
 धन्य २ भगवान २ मेघ मदु वसमान अनाथया नाथ ॥ अतिनं ॥ ६ ॥
 समुद्र द्वार प्वालसाल सुरेन्द्र महाराजां घाल ॥
 ल्हाकम्ह अज्ञानी २ गुरुजुया चरणस शरण जूल ॥ अतिनं ॥ ७ ॥



५१. भगवान गुयाचोस रसन विज्याक ।

राग--धनार्थी ॥ ताल--जति ॥

भगवान गुयाचोस रसन विज्याक ॥ धु ॥
 प्रथमया भूमि जुस्य जला मय जुसे चोन ॥
 कमलस जोति रुप दरसन विल प्रभू गुयाचोस ॥ १ ॥
 बुद्ध धर्म सघ स्वम्हन छम्ह जुस्य ॥
 विश्वरूप दरसन विल जित अन प्रभू गुयाचोस ॥ २ ॥
 तेतिस कोति देवगण पुजा यायत वल अन ॥
 ब्रम्हा विष्णु महेश्वर सहित जुयाव अन गुयाचोस ॥ ३ ॥
 श्री महामंजु श्रीन चन्द्रहास खज्ज जोसे ॥
 लखदको तोलताव जोतिरुप पुजायाक गुयाचोस ॥ ४ ॥

चन्द्रदेव राजावल जोतिरुप तोक पुल ॥
 सान्तिकर नाम जुल पञ्चपुरि दयकलः गुयाचोस० ॥ ५ ॥
 नेपालया छत्रपति सुरेन्द्र बिक्रम धनी ॥
 लहाकम्हया मणरथ पुरेयाना विव प्रभू गुयाचोस० ॥ ६ ॥



५२. श्री लोकनाथ याहूने उधार ननानं ॥

राग-विरहनि ॥ ताल—

श्री लोकनाथ याहूने उधार ननानं ॥ धु ॥
 कनक मतुक कनक केतकि स्वान करणस कन कुन्दलं ॥
 करुणामय करुना निधान करुनान स्वव जित ननानं ३ श्री लोक० ॥१॥
 मनिमय तिल हिल मत उन तेज थिक मनिमय हालन तियाव २
 मछिन्दर नाथ मनया स्वरुप मनरथ पुरे याना विव जित विव २ ॥२॥
 अरुनया उन जुस्य अमीतांभ सिरे तस्य अभय वरदान बिस्य ॥
 अनाथया नाथ जुस्य अमोघ पास जोस्य आसानं वया जि ननानं
 ३ श्री लोक० ॥३॥

शुधर शुलदाणा संयुक्त स्वभायमानः शुखावति भुवनया नाथ ॥
 स्वव स्वव प्रभू ओवेलस शुदष्टि तथाव शुखावति बोना यके माल
 जित माल ३ लोक० ॥४॥

रसन हरषन ललित पुरस रथस दनाओ बिज्याक ॥
 "रथ गजरत्न" सालया धनि सुरिन्द्र बिक्रम साहादेव २ लोक० ॥५॥



५३. विनति न्यहुने नाथ श्री करुणामय नाथ

राग--विभास ॥ तल--एकताल ॥

विनति न्यहुने नाथ श्री करुणामय नाथ ॥ ध्रु ॥

नकन्हापां छि भजन याय मफु थ्वदेहनं महापासं हिना जित च्वन ॥
ननानं थ्व पाश फेना छलपोलया थास च्वना तिब विनति० ॥ १ ॥
मोह मायां तोक पुस्य महाजालस जि केस्य महाभय जक जित जुस्य
मनुष्यया गुलि दुःख फुतकाव बिय माल सुख विनति० ॥ २ ॥
बारंवार छि भजन याय मफु जि , पापीनं अडोरण जुको जित
जुल च्वना ॥

बालक जि मचायात बारंवार बियमाल सुख विनति० ॥ ३ ॥
गिना वन उफो स्वान माया मदु सुनानं व्यरथन फुत थ्वो जन्म ॥
गिना वन ल्होने आव छल पोलया सरण जिदुकाव विनति० ॥ ४ ॥
स्वल वने मालि जिनं जन्म यागु शास्ती अन छि भजन याय मफु थन ॥
स्वव जित वबेलस सुदृष्टि करुणा तयाव विनति० ॥ ५ ॥
लाहा निपा जोलपा याय मफु जिन न्हापा दर्शन छिगु पालि निपा ॥
लात किब सुखावति कर जोरि विनति कोटि विनति० ॥ ६ ॥
यनि जुल छन्हुया दिनस जन्म राजाया सभास यन्य मफुया यनिगु
बेलस यव ॥

चित्त वबेलस थव मचा माल पाव छिगु थास विनति० ॥ ७ ॥
लोक स्थनं फोन गुली दया दुस्र छलपोल जितनं उधार याय माल ॥
ल्हाकल्ल अनाथ जन जुग २ जुल छिके शरण
विनति न्यहुने नाथ श्री करुणामय नाथ ॥ ८ ॥

श्रीअन्नपूर्णविश्वशान्ति यानाव विज्याक

राग--धनाश्री ॥ ताल--जति ॥

श्री अन्नपूर्ण विश्वशान्ति यानाव विज्याक ॥ ध्रु ॥
 विश्वशान्ति ज्वीमा धैगु कामनानं भाव याना ॥
 लक्षहोम कन्यापूजा अन्नदान पाठ याना वि. ॥ १ ॥
 दोलछिव न्हेन्यासल भाद्र शुक्ल शनि अष्टमी
 नेपालया छत्रपति श्री महेन्द्र वीर देव ॥ वि. ॥ २ ॥
 लहाकम्हया पाप दुःख फुतकाव वियेमाल
 विश्वयागु भ्रान्ति फुना सुख शान्ति जुयमाल ॥ ३ ॥



समाप्त

कुक्षा खाल गजरत्न नेपाल सहकाल दिक्षा पारु शोमवार तिथि ॥
 श्व वेलस राज्यया धनि श्री सुरेन्द्र चक्र चुडामणि विनति० ॥ ६ ॥



५४. हादे च्वापुया उन जुस्य ।

राग--भुपरि ॥ ताल--जति ॥

हादे च्वापुया उन जुस्य २ स्वगल मिखा कस्य चंद्र सूर्य निह्य छुस्य ॥
 विभूतिन म्हस बुस्य विनतिसां तिस्य त्रिशुल दमरु थास्यरे ॥ १ ॥
 हादे भूत पासा यास्य मसान दिल यास्य बाहन दोहन गस्य ॥
 मसान विभूतिनरे २ म्हस बुस्य मनुष्य मोक्ष छोस्यरे ॥ २ ॥
 हादे निधि नेत्र शुन्य चत्ररे २ नेपाल सहकाल भूपति पृथ्वीर ॥
 हादे लहाकम्ह अज्ञानी क्षमा याकम्ह गुनी चरण छि पाली
 सरण ॥ ३ ॥



५५. हादे कुण्डवर्ण वसपोल सकलया नाथ

राग--मालवा । ताल--एकताल ।

हादे कुण्डवर्ण वसपोल सकलया नाथ ॥
 गीत बाद्य नृत्य आदि सर्व सिद्धि बिया
 बिज्याकम्ह वसपोल नृत्यनाथ गुरु ॥ १ ॥
 त्रिभुवन मोह ज्ञयक प्यारुन हुयाव ॥
 बिज्याकम्ह वसपोलया चरण सरण

धन्य हे श्री पद्म नृत्यनाथ गुरु ॥ २ ॥
 कुमुद मित्र बाहु व्योम वसंधरा वर्ष ॥
 महिपाल पृथ्वीवीर विक्रम शाहदेव
 धन्य हे श्री पद्म नृत्यनाथ गुरु ॥ ३ ॥



५६. द्वादश वर्ष तक जल वृष्टि मजूयाव ॥

राग--धातु ॥ ताल--दौमा ॥

द्वादश वर्ष तक जल वृष्टि मजूयाव ॥
 विचार यात नरेन्द्रदेव राजानं ॥ १ ॥
 गुरुजुबंभुदत्त सारथ यानाव कामुनी क्षेत्रस वनाव जोग ध्यान यात ॥ २ ॥
 हर सिद्धि हयं ग्रीव लुनि कुनि लुटा बाहा ॥
 भैरव सहितन लस्वयाव नेपाल थ्यन ॥ ३ ॥
 सुमू श्री विहारस लोकनाथया मुर्ति ज्याना ॥
 स्वर्ग मर्त्य पातालया परिमान रथ जात्रा यानाव ॥ ४ ॥
 भगतया तनमन छि भजन याय मन ॥
 भगत स्वव करुणानं प्रभू लोकनाथ ॥ ५ ॥
 चलन अजाजूया आननं शुन्य चन्द्र ॥
 महाराजा त्रिभुवन वीर विक्रम शाहदेव ॥ ६ ॥



जिमिगु प्रकाशन

अंग्रेजी—

1. The Problem of Currency, Exchange and Banking in Nepal by Sugat Das
2. Nepal Behind the Screen by Poorna Bahadur M. A.
3. A collection of Nepalese Alphabet

नेपालभाषा—

१. नेपाल लिपि संग्रह—ले० हेमराज
२. नेपाल भाषा शब्द संग्रह ले० सुगतदास
३. शंक्षित नेपाल भाषा शब्दकोश ले० पद्मप्रसाद बैद्य
४. नेवाभाषा शिक्षा (नेपालभाषा-अंग्रेजी)
५. नेपाल देशया अक्षर बोध—ले० पद्मप्रसाद

नेपाली—

१. नागरिक शास्त्र ले० पूर्ण बहादुर एम. ए.
२. मानव अधिकार U. N. O. का घोषणा पत्र
३. नेपालमा मुद्रा विनिमय बैंकिंग ले० सुगतदास
४. पर्दा भित्रको नेपाल ले० पूर्ण बहादुर एम. ए.

मानदास सुगतदास
६०३, असन कमलाछि टोल
काठमाडौं